

PRAVILA NAGRADNE IGRE „Roštilj upali i po nagradama raspali“

I. UVODNE ODREDBE

Član 1

THE SIMPLE d.o.o. sa sjedištem na adresi Podgaj 3, 71000 Sarajevo, JIB: 4202611370004 (u daljem tekstu: „Organizator“) u ime klijenta VIMAR GROUPE d.o.o. sa sjedištem u ulici Industrijska zona Ozrakovići bb, 71300 VISOKO, JIB: 4218734030007 (u daljem tekstu: „Vimar“) organizuje nagradnu igru za fizička lica - Vimar klijente koji vrše kupovinu promotivnih Vimar proizvoda (u daljem tekstu: „Nagrada igra“) na teritoriji Federacije Bosne i Hercegovine. Naziv Nagradne igre je „ Roštilj upali i po nagradama raspali “.

II. SVRHA NAGRADNE IGRE

Član 2

Nagrada igra se sprovodi i organizuje u svrhu promovisanja Vimar proizvoda.

III. TRAJANJE I NAČIN SUDJELOVANJA

Član 3

Nagrada igra traje od 01.07.2023. (00h) godine do 31.08.2023. godine (24h). Pravo na učešće u Nagradnoj igri ostvaruje svako fizičko lice, koje u periodu trajanja Nagradne igre izvrši kupovinu Vimar promotivnih proizvoda i pronađe promotivni kupon koji se nalazi u sklopu proizvoda.

Nagrada igra se odvija na teritoriji Federacije Bosne i Hercegovine.

IV. NAGRADNI FOND

Član 4

Opis nagrade	Količina	Približna tržišna vrijednost
Aranžman putovanje u Istanbul za 2 osobe	1 putovanje	2.600,00 KM
Aranžman Rafting za društvo do 4 osobe	5 raftinga aranžmana	2.500,00 KM
Vimar poklon paketi	75 komada	1.500,00 KM
TOTAL		6.600,00 KM

Nagradni fond sastoji se od jedne (1) glavne nagrade i osamdeset (80) dodatnih nagrada.

Glavna nagrada - aranžman putovanje u Istanbul za dvije (2) osobe četiri (4) dana uz putovanje avionom i smještajem u hotelu do 4* na bazi noćenje/doručak. U sklopu putovanja bit će obezbjeđen vaučer za dvije (2) večere u restoranima u Istanbulu.

Dodatne nagrade - pet (5) rafting aranžmana za društvo do četiri (4) osobe uz vaučer za prijevoz u vrijednosti od 100 KM po aranžmanu. Rafting aranžman minimalno uključuje: Rafting avanturu sa potrebnom opremom, ručkom i osvježenjem za učesnike. Rafting avantura se lokacijski definiše od strane organizatora.

Sedamdesetpet (75) Vimar poklon paketa koji uključuju Vimar proizvode u minimalnoj vrijednosti do 20 KM sa dostavom na adresu dobitnika.

Broj nagrada je ograničen i ni u kom slučaju neće biti dodijeljeno više nagrada od broja predviđenog ovim pravilima.

Promotivni Vimar proizvodi su:

Juneći ćevapčići 400 g, Juneći ćevapčići 1000 g, Juneći Doner burger 400 g, Pileći grill specijalitet 400 g, Pileći doner burger 400 g, Pileći nadjev 500 gr.

V. NAČIN OSVAJANJA NAGRADA I OBJAVLJIVANJA DOBITNIKA NAGRADA

Član 5

- a) Kupovinom Vimar promotivnih proizvoda stiče se pravo na učešće u navedenoj nagradnoj igri.
- b) Učesnik je dužan da pronađe posebno zapakovan promotivni kupon u promotivnom Vimar pakovanju.
- c) Nakon što učesnik pronađe promotivni kupon u promotivnom Vimar pakovanju, pročita da li je kupon dobitni sa nekom od nagrada ili nedobitni.
- d) Ako je promotivni kupon dobitni, učesnik je dužan da prati upute na kuponu i javi se u roku od 24 sata u predstavništvo Vimar kompanije. Svaki dobitni kupon ima broj za validaciju kako bi se dokazala autentičnost dobitnog kupona.
- e) Kao potvrdu učestvovanja u nagradnoj igri, učesnik je obavezan čuvati promotivni kupon kao dokaz o osvojenoj nagradi.

Rezultati i podaci o dobitnicima biti će objavljeni na Vimar web stranici.

Član 6

Rezultati dodjele nagrada su konačni. Na rezultate nije moguće uložiti žalbu. Ako su glavni dobitnici naveli nepotpune ili netačne podatke ili/i ne može ih se obavijestiti i/ili se utvrdi da nisu ispunili sve uvjete za sudjelovanje u Nagradnoj igri, pristupa se dodjeli nagrada rezervnim dobitnicima nagrada. Ukoliko su i rezervni dobitnici naveli nepotpune ili netačne podatke ili/i ne može ih se obavijestiti i/ili se utvrdi da nisu ispunili sve uvjete za sudjelovanje u Nagradnoj igri, Organizator zadržava pravo ne dodijeliti nagradu istima.

Regularnost Nagradne igre će nadgledati tročlani komisija koga odabere Organizator. Odluka komisije je konačna i obavezujuća i neće biti dozvoljena dalja korespondencija.

VI. OGRANIČENJA

Član 7

Radnici Vimara i Organizatora, osobe koje su izravno uključene u pripremu Nagradne igre, te ostale osobe koje imaju pristup podacima vezanim za Nagradnu igru ne mogu sudjelovati u Nagradnoj igri.

Jedan učesnik može osvojiti samo jednu nagradu u Nagradnoj igri.

Potpisivanjem Zapisnika/Saglasnosti o preuzimanju nagrade od strane dobitnika, prestaju sve obaveze Organiza-tora/Vimara prema tom dobitniku u Nagradnoj igri.

Niti jedna nagrada predviđena Nagradnom igrom se ne može zamijeniti za novac, drugu nagradu, robu ili uslugu.

VII. OBAVJEŠTENJE DOBITNIKA, ROK I MJESTO PREUZIMANJA NAGRADA

Član 8

Dobitnici mogu preuzeti nagrade osvojene u Nagradnoj igri najkasnije u roku od 30 dana od dana prijema pisane obavijesti o osvojenoj nagradi, a istu mogu realizovati po definisanim uslovima putnih agencija u trenutku preuzimanja nagrada.

Ako dobitnici nagrade u roku iz stava (1) ovog člana ne preuzmu osvojene nagrade, Organizator je dužan ponovo u roku od osam (8) dana od isteka navedenog roka obavijestiti o osvojenoj nagradi, te odrediti naknadni rok za preuzimanje nagrada koji ne može biti duži od 8 dana od dana prijema obavijesti.

Nakon isteka roka dobitnik gubi pravo na nagradu, u kojem slučaju će ista biti dodijeljena rezervnom dobitniku.

Dobitnici nagrada će pismenim i telefonskim putem biti obaviješteni o načinu i mjestu preuzimanja nagrada najkasnije u roku od 8 dana.

Dobitnik će biti lično kontaktiran, te će mu biti omogućeno da potpiše Zapisnik/Saglasnost o preuzimanju nagrade i korištenju ličnih podataka u nagradnoj igri, te da njegovi lični podaci budu objavljeni kako je opisano u ovim Pravilima.

Kod preuzimanja nagrade dobitnik je dužan potvrditi svoj identitet svojom ličnom kartom.

Dostava nagrade „poklon vaučeri za putovanje“ i „poklon vaučeri za rafting“ se može izvršiti preporučenom pošiljkom, po osnovu pisane saglasnosti dobitnika nagrade za prijem iste. Organizator ne snosi troškove preuzimanja nagrada.

VIII. USLOVI PREKIDA NAGRADNE IGRE

Član 9

Organizator će prekinuti Nagradnu igru u slučaju da prije ili u periodu trajanja Nagradne igre nastupe okolnosti sa karakterom više sile, odnosno one okolnosti koje Organizator ne može predvidjeti, niti otkloniti, a takve okolnosti imaju ili bi mogle imati negativan utjecaj na poslovanje Organizatora ili Vimara.

U slučaju ovakvih okolnosti, Organizator će putem dnevnih novina obavijestiti učesnike, uz prethodnu saglasnost nadležnog organa, o prekidu Nagradne igre.

Član 10

Organizator ima pravo da uz javno obavještavanje jednostrano otkáže Nagradnu igru u bilo kojoj fazi ukoliko ustanovi da je došlo do materijalne povrede ili zlouporabe Pravila nagradne igre. U slučaju otkazivanja ili prekida Nagradne igre neće se nadoknađivati eventualni troškovi učesnika Nagradne igre ili eventualna šteta učesnicima u Nagradnoj igri, niti će se Nagradna igra održati.

Član 11

Porez na dohodak od nagrada snosit će Organizator.

Član 12

Svi učesnici će biti upoznati s Pravilima nagradne igre putem Vimar web stranice i dnevnih novina u kojima će Pravila biti objavljena. Sudjelovanjem u Nagradnoj igri učesnici prihvataju pravila i obaveze iz ovih Pravila.

Član 13

Učesnici svojim sudjelovanjem u Nagradnoj igri neopozivo prihvaćaju da je Vimar ovlašten koristiti njihovo ime i prezime, e-mail adresu i ostale podatke vezane uz učesnike, bez ikakvih nadoknada, u svrhu javnog obavještenja o rezultatima Nagradne igre i dostave nagrade.

Član 14

Sve sporove koji eventualno nastanu u vezi sa ovim Pravilima strane će prvenstveno nastojati riješiti sporazumno, a ukoliko to ne bude moguće, određuje se mjesna nadležnost stvarno nadležnog suda prema sjedištu Organizatora.

Član 15

Ova pravila se primjenjuju po dobijanju suglasnosti Federalnog ministarstva finansija.

U Sarajevu, 08.06.2023. godine

Broj: 01-06/23